


世史正綱卷二十一



淺草文庫

辛集

唐亡之後相繼而起者五姓所謂梁唐漢
晉周是也自宋人作五代史世因補之為
五代夫謂之代者必繼世之長歷十數世
也五姓僭亂歛起忽滅甚至繼世止有二
主歷年僅見四稔較之有周一代八百年
之長何如哉同以代補似非其倫今因朱

子大學章句序中語改補五季云
○晉岐淮南補唐天祐五年梁主見廟平
辰戌
二年蜀王建武成元年
吳越王錢鏐

天寶元年

晉王李克用卒子存勳嗣

朱晃弒其故主

晉王存勳攻梁夾寨破之潞州圍解歸晉陽

始承制封拜

淮南張顥徐溫殺其節度使楊偓溫復殺顥

蜀岐晉會兵攻梁雍州

淮南將吏推楊隆演為節度使

華原賊師溫韜發唐諸陵

己巳

○

晉岐淮南林唐天祐六年

梁用平三年

春二月朔日有食之

梁兵攻岐

梁以王審知為閩王

劉守光執其兄守文尋殺之

梁以劉守光為燕王

淮南盡取江西地

午庚

○

晉岐吳補唐天祐七年

梁用平四年

楚殷自為天策上將軍

岐晉合兵攻梁夏州

吳越築捍海塘廣杭州城

錢唐自是始富庶

淮南楊隆演補吳王

晃遣兵襲據趙深冀三州進軍鎮州晉王合

義武等三鎮兵救之

未

○晉岐兵補唐天祐八年

果乾化元年

春正月朔日有食之

晉王討朱晃大破其兵于栢卿河朔大震

借海節度使劉隱卒弟徽知留後

晉王推劉守光為尚父

朱晃淫亂於其臣張全義家全義子繼祚欲

殺之不果

梁屯兵刑州趙王鎔會晉王于承天軍

劉守光稱帝于燕

晉遣使如燕

幽州參軍馮道奔晉

申

○晉岐兵補唐天祐九年

果乾化二年

晉師及鎮定兵代劉守光朱晃救之大敗還

朱晃子友珪殺晃

忠武軍亂殺韓建

梁朱友謙以河中附晉

討正詩

癸酉 ○ 晉改吳稱唐 天祐十年 梁乾化三年

晉拔燕順薊等州

梁均王友貞起兵討友珪討之友貞立于大

梁更名瑱

晉師逼幽州拔平營州

梁擊趙以救燕

蜀以道士杜光庭為諫議大夫

高季昌受梁封爵為渤海王

晉王入幽州執劉仁恭及守光以歸

梁遣兵侵吳

叔疑仍字讓

甲戌 ○ 晉改吳稱唐 天祐十一年 梁主瑱元年

晉王誅劉守光械仁恭祭其先王墓斬之

趙王鎔推晉王為尚書令始置行臺

晉伐梁邢州

南詔侵蜀

蜀攻岐階州

乙卯 ○ 十一月 貞明元年 蜀永平五年 梁乾化五年

梁分天雄為兩鎮魏人降晉晉王入魏斬軍

校張彥

晉拔梁德澶州

吳徐溫出鎮潤州留子知訓江都輔政
梁朱友敬作亂誅之自是跡忌宗室
廣南與梁絕

蜀攻岐階成等州

丙子
元年
蜀通正元年
契丹耶律阿保機天冊
果貞明二年

吳將烏謙等起兵討徐知訓不克而死

梁劉鄩攻晉魏州晉王擊敗之

梁遣兵襲晉陽晉擊却之

晉克梁衛磁洛州

帥

梁成卒作亂攻宮門

梁以吳越王鏐為諸道兵馬元帥

晉拔梁相邢等州

契丹侵晉入蔚州

晉王遣使如吳

楚王遣使如晉

契丹阿保機僭號于其境

嗚呼自春秋以來夷狄之禍蓋三變矣始
也吳楚之類以中國之人居夷狄之地以
借中國之分一變也中也淵勤之徒以夷

堅

狄之人生中國之地以爲中國之害再變也至是契丹則是以夷狄之人生夷狄之地以戕中國之人豈非三變乎其禍愈流而愈遠愈遠而愈大履霜豈冰至聖人逆覩其然知其禍必將至於冠履倒置以數敗我彛倫也春秋之作不少假借於吳楚徐越之補王其意豈不深切而著明哉

契丹始冊中國人韓延徽爲相

嗚呼夷狄不能爲中國害也所以爲中國害者中國之人也是故匈奴之爲漢害者

以中行說也西夏之爲宋害者以張元昊是也方契丹之初起也阿保機之爲人性雖悍鷙而無遠大之謀心雖愛詐而無經久之計一旦得劉守先所使之韓延徽教之以建牙用府築城郭立市里以處漢人使各有配偶墾藝荒田用中國之法以變夷狄之習凡吾中國自古以來所以立國者因事教之得其假中國之法侵中國之地用中國之人爲中國之害遂貽中國與窮之禍患向使吾中國之閉隘有禁而吾

之人無由以至其地中國之人才無遺而吾之人不暇以為之用彼肆其鷙猛之力桀驁之智雖能為吾近邊一時之害不旋踵而息滅矣豈能侵入持久以得志於吾中國哉是以善於防患者恒於無事之時未然之始嚴謹邊關之出入收拾遺逸之

人才

丑丁 ○晉岐吳補唐天祐十四年 梁貞明三年

契丹圍晉幽州

吳徐溫徙治昇州

帥

劉叡補越帝子廣州尋改補漢

晉遣將敗契丹幽州圍解

梁以吳越王鏐為天下兵馬元帥

晉王襲梁楊劉拔之

寅戊 ○晉岐吳補唐天祐十五年 梁貞明四年

夏六月蜀主建卒子宗衍立

吳朱瑾殺徐知訓而自殺

吳徐溫以養子知誥為淮南行軍副使輔政

晉王大舉伐梁

梁秦寧節度使張蕙進降晉

軍一作師

晉王與梁軍戰于胡柳陂周德威敗死晉王

收兵復戰大破梁軍

卯巳 ○晉改稱唐天祐十六年 梁貞明五年 吳
王楊隆演武義元年 南漢乾亨三年

晉以郭崇韜為中門副使掌機務

吳王隆演建國改元

梁攻晉德勝南城不克

晉王以馮道掌書記

吳與吳越連和

梁以王璿為招討使與晉王戰敗績以戴思

遠代之

庚辰 ○晉改稱唐天祐十七年 梁貞明六年
二年 南漢乾亨四年 吳武義

梁朱友謙以河中降晉

吳王隆演卒弟溥嗣

己辛 ○晉改稱唐天祐十八年 梁龍德元年
順義元年 南漢乾亨五年 吳王溥

晉王命有司造法物欲稱帝唐監軍使張承

業哭諫成疾

趙王鎔為其下所殺

順德之德
當作義

夏六月朔日有食之

王處直為其假子所囚死

契丹拔晉涿州進侵義武

午壬

○

晉政統唐天祐十九年
契丹天寶元年

梁龍德二年

吳順德

晉王大敗契丹于新城

梁襲晉魏州不克

梁取晉衛州

晉王克鎮州

唐宦者特進河東監軍使張承業卒于晉

未癸

○

政補唐天祐二十年
主存勳曰光元年
吳順義三年
梁龍德三年
南漢唐

梁以錢鏐為吳越王

晉王存勳補帝于魏州國號唐

唐以豆盧革盧程同平章事郭崇韜張君翰

為樞密使

唐立廟祀唐高祖太宗懿宗昭宗

唐遣李嗣源襲梁取鄆州以嗣源為節度使

梁敬翔薦王彥章為招討使彥章攻唐德勝

南城拔之進攻揚劉唐主救之梁兵退彥章

尋以潛罷

梁取唐澤州裴約死之

梁將康延孝奔唐

冬十月朔日有食之

唐主救鄆州梁師敗績王彥章死之唐主入

大梁梁主瑱自殺唐逐滅梁是歲梁亡二

唐主責梁宰相鄭珣等十一人世受唐恩而

仕梁貶之

唐主詔數敬翔李振等佐朱溫傾唐祚罪誅

之夷其族

唐追廢朱溫朱友貞為廢人

梁藩鎮入朝于唐者皆優其任

唐以郭崇韜為侍中

唐主欲斲朱溫棺焚其屍以溫故臣張全義

言而止

唐加李嗣源中書令

楚王殷遣使入貢于唐

吳遣使如唐

彗星見輿鬼

迺韜入朝郭崇韜發其殺陵之罪請誅之唐

主以經赦免之

胡寅曰罪人不可不誅赦令不可不守二者將何處必於未赦之前揆情法審輕重而區別之使預赦者無可誅之罪被刑者無可恕之人則一舉而兩得矣

唐省文武官

唐以趙光胤章說同平章事豆盧革判租庸

兼鹽鐵轉運使

荆南節度使高季興朝子唐

唐復以長安為西京京北府

唐遷都洛陽

吳復遣使如唐

甲申 ○以補唐天祐二十一年唐同光二年
蜀乾德六年南漢乾亨八年
吳越至大元年
吳順義

契丹入唐幽州

岐王茂貞遣使入貢于唐

唐復以宦者為內諸司使及諸道監軍

唐以王正為租庸使

唐主大赦境內尋復徵所赦租稅

唐以李茂貞為秦王尋卒

茂貞書卒者以其不忘本朝補天祐年也
唐郭崇韜請立夫人劉氏為后
按張耒曰自古大臣權勢已隆極富貴已
元滿前無所希則必退為身慮然其為慮
也思之非不深計之非不工然異日譽之
所起徃徃又自失其至深至工者為是故
人之處心行事莫若以正夫正者無所事
計也行所當然而已郭崇韜佐莊宗決策
滅梁遂一天下自見功高權重其人議已
而莊宗之昏為不足賴也乃為自悔之計

時劉氏有寵莊宗嬖之因請立為后用是
以中莊宗之欲結劉氏之援其為計宜無
如是之良者然卒之殺崇韜者劉氏也嗚
呼正之一言其真萬世人臣處心行事之
要乎

唐遣使按視唐諸陵

唐遣客省使李嚴如蜀

唐貸民錢

唐以伶人為刺史

唐以李嗣源為宣武節度使番漢馬步總管

唐以孔謙為祖庸使

吳越入貢于唐

蜀遣使如唐

唐劉后以父事河南尹張全義帝偕后幸其

第

唐曰光三年蜀成康元年南漢白龍元年

唐以李嗣源為成德節度使

漢遣使如唐

夏四月朔日有食之

唐主親師后妃拜五臺僧誠惠既而誠惠祈

雨不應道死

唐遣魏王繼岌及郭崇韜將兵伐蜀

蜀主東遊

蜀主王衍降唐是歲前蜀亡二

唐以董璋為東川節度使

唐郭崇韜誅蜀苻臣王宗弼王承休蜀人食

其肉

蜀王王審知卒其子延翰嗣

唐以孟知祥為西川節度使

唐遣宦者馬彥珪使蜀軍劉后自為教與繼

发令教崇韜

楚鑄鉉鐵錢

成丙

○

唐同光四年四月以後李嗣源天成元年
南漢白龍二年吳順安六年
契丹德光天顯元年
吳越

唐魏王繼及殺招討使郭崇韜

唐鄴都乱遣李紹榮攻之不克

唐李紹琛反于罗尋擒之孟知祥討定餘寇

唐主遣李嗣源將親軍討鄴都親軍作乱劫

嗣源入城嗣源奔相列

唐豫借河南夏秋稅

嗚呼橫歛厚征治天下之大蠹也所以失
人心者在是所以促國脉者在是然猶未
至於豫借之甚者也方其行橫歛厚征之
法也天下之民雖怨咨愁蹙然猶歸咎於
上之人用非其人取非其道幸其一旦更
之尚可以為生也惟豫借之令一行示天
下以國儲之虛國用之竭國計之窮天下
之人譁然謂天下不復可為而生其汗渙
離歆之心者未必不自此也掌國計者其

謹之哉

唐李嗣源反引兵向大梁

按綱目於李嗣源多恕緯亮其無利之久
心也史綱乃從歐陽氏五代史書其反何
明君臣之大義也方張破敗劫嗣源入城
得間出宿魏縣奔相州時而書其反是誣
之也若夫聽石敬瑭之計急趨汴列令安
重誨移檄會兵欲何為哉及嗣源在汴唐
主至萬勝鎮君臣相望僅數十里間耳苟
無反心胡不遣腹心之使陳忠赤之詞明

其為元行欽所隔絕安知唐主不亮其心
也哉况大梁天子之城乃公然占而據之
車駕將至不行遜避及其返也又以兵踵
之而西其意果何在哉謂其無利之之心
愚不敢以為然也五代史以反書之夫豈
過哉然通以一反辭諉之則似卒無所分
辨故史綱於前書親軍劫其入城至是入
大梁始以反書焉或曰嗣源非有篡國之
心爭帝之意偶為亂兵所劫姦臣所逼迫
於逃死進退惟谷蓋有不得已焉耳嗚呼

春秋去將將則必誅茲何等事而可以不
得已而不已哉然則為嗣源計將柰何方
其出宿魏縣之時聽安重誨之言束身卓
騎由間道星行赴關而陳其被劫之狀伏
地俟罪元行欽雖欲問之胡可得耶又不
然得李紹真五千之兵即整肅部伍申明
號令移檄遠近以明本心返旆直抵鄴城
期縛趙在禮以獻關下雖所奏之辭沮而
不達而所行之事足以自明百元行欽不
能問之矣計不出此乃陷於篡逆之罪惜

哉

唐主如關東李嗣源入大梁唐主乃還

夏四月唐伶人郭從謙弒其主存勗李嗣源
入洛陽

唐太原軍亂

唐李嗣源盜國以安重誨為樞密使

唐元行欽出奔被執嗣源殺之

唐李嗣源弒劉石殺諸王

唐李嗣源廢相肅使及諸道監軍

唐魏王繼岌至長安自殺

李嗣源自稱唐帝

綱目於非正統之君其子嗣位書立嗣源
立非唐主意而以唐主立書之豈非以嗣
源於五代主中之彼善於此故恕之歟史
綱於此不書其立而以祗帝書以明其不
得以嗣莊宗之位也况前既書其及乎何
則五常之中君臣獨謂之義臣之事君獨
謂之忠義者新制之宜忠者心無不盡之
謂也嗣源本夷種李克用養以爲子賜以
姓名附之屬藉莊宗嗣位委以重任付以

兵權君臣之分素定一旦爲亂兵所脇不
得已而入亂城幸而以計得出單騎歸朝
明其本心可也却乃回翔不進及夫車駕
東出又不即赴行在趨拜道左公然擁兵
亟趨汴州以爭先奪利車駕之還又不扈
送且以兵踵之所謂新制之義盡心之忠
安在哉假使嗣源之心實出避禍一聞莊
宗被執當即日揚旗西指以討罪人傳檄
四方遣使西迎魏王奉請劉后臨朝以俟
嗣君之至顧乃遠然居太子監國之位布

置私人以掌樞機殺害國母以及親王親
王罔之字得而不自殺雖曰自殺其與嗣
源殺之也無異此史綱所以書其反又書
其補帝以明明宗實非沙陀之種類而於
莊宗之義則已絕矣或曰史綱亦有所據
欽曰觀明宗欲殺元行欽責之曰我兒何
負于爾行欽瞋目直視之曰先帝何負于
爾歐陽子謂行欽誠節有足嘉者則明宗
逆節有足惡者不言可知矣不特此也綱
目引胡氏論李琪諫改國號臣心不安之

言亦謂國亡君弑子不得立而他人是保
是亦不滿於明宗之立也史雖委曲為之
用說若明宗有若不得已焉者嗚呼史豈
皆實哉按莊宗實錄明宗時宰相趙鳳脩
明宗實錄略王時宰相姚顛脩至宋薛居
正等採以為正史司馬公又據正史以為
通鑑其所書者果得其實否乎雖然其明
白昭著者亦自有不容掩焉者歐陽氏作
史時去五代未遠其必有所據矣夫

唐大赦省官人宦官伶官廢內藏庫四方所

上物悉歸省司

唐復假子本生姓名

唐初令百官轉對

百官轉對始見于此

唐選文學臣以馮道趙鳳為端明殿學士

唐遣使如契丹

契丹阿保機死子德光立

秋八月朔日有食之

唐初賜百官春冬衣

王延翰自稱國王尋為王延稟所弒而立其

弟延鈞

丁

○

唐天成二年

南漢白龍三年

吳乾貞

唐主更名亶

唐以趙在禮為鄴都留守皇甫暉為秦州刺

史

啓鄴城之亂者皇甫暉而成其亂者趙在

禮也莊宗之禍自暉始而在禮成之明宗

果與利之之心即位之後即當以二人肆

諸市朝庶以少白此心顧乃首擢在禮為

義成節度使其不受命又以為鄴都留守

暉自軍平即擢秦州刺史由是觀之五代
史所謂明宗至鄴軍宴因入城與在禮合
謀者豈虛語哉
唐以馮道崔協同平章事
唐初令長史每旬慮囚
唐孟知祥殺監軍李穀
唐以逆賊郭從謙為景州刺史尋誅之夷其
族
唐以石敬瑭為六軍諸衛副使
唐初置監牧

唐以馬殷為楚國王

唐主如汴州宣武節度使朱守殷反唐主遣

兵討之遂遣使殺任圜守殷自殺

唐免三司逋負二百萬緡

唐以石敬瑭為侍衛親軍都指揮使

吳王楊溥稱帝

有年

子戊

唐天咸三年 南漢大有元年 吳乾貞

春二月朔日有食之

吳遣使如唐不受

唐王都反遣王晏球討破之契丹復遣兵來
救晏球擊走之擒其將惕隱

唐以王延鈞為國王

契丹遣使如唐

溫韜段凝伏誅

己丑

○

唐天咸四年

南漢大有二年

吳大和

唐王晏球克定州誅平都并獲奚酋禿侮斬
之

唐禁鐵錫錢

唐置緣邊市馬場

唐以子從榮為河南尹

唐遣使如兩川

唐以高從誨為荆南節度使

有年

唐削錢鑄官爵

吳加徐知誥兼中書令

庚寅

○

唐長興元年

南漢大有三年

吳大和

唐兩川董璋孟知祥上表拒命慰諭之

河中牙將楊彥溫逐其節度使李從珂

夏六月朔日有食之

唐誅告密人邊彥溫等

唐以張延朗為三司使

三司有使其名自此始

唐兩川節度使董璋孟知祥連兵反

唐安重誨未出鎮不聽以范延光為樞密使

胡寅曰重誨不得於君則當奉身而力退

明宗不安其相則當聽去而保終既各有

所懷而以虛文飾貌相處其能久而無變

耶雖然與其疆留而存形迹之嫌不若優

以外鎮之為全也

董璋陷夔州唐將姚洪死之唐錄洪二子厚
給其家

唐遣石敬瑭討董璋尋命并討孟知祥

漢取交州

楚王殷卒子希声嗣始去國號

唐石敬瑭攻劔州不克

契丹東丹王突欲奔唐賜姓名李贊華

唐遣安重誨督征蜀諸軍

辛卯 ○唐長興二年 南漢大有四年 吳文和

孟知祥陷遂州唐守將魯奇死之

唐石敬瑭引兵遁歸兩川兵追之陷利州

唐以安重誨為護國節度使

吳以宋齊丘為右僕射致仕

唐起李從珂為左衛大將軍復錢鏐官爵

唐主以譚穀其太子太師致仕安重誨及其

二子

唐均田稅

唐以王延政為建州刺史

冬十一月朔日有食之

吳中書令徐知誥鎮金陵以其子景通輔政

唐初聽民鑄田器計畝稅錢
○唐長興五年南漢大有三年吳大和

唐初刻九經板

經籍有刻本始此

唐賜高從誨爵渤海王

吳越王錢鏐卒子元瓘嗣

契丹遣使如唐

孟知祥說董璋上表謝罪璋不從舉兵襲知

祥璋敗死祥遂取東川

唐以馬希声弟希範為武安節度使

唐昭王孟知祥稱帝

唐從潞王從珂為河東節度使石敬瑭為成
德節度使從珂反于鳳翔兵至長安官軍迎
降潰散

唐康義誠自請為招討使

李從珂執唐西京留守王思同思同死之從
珂至陝諸將及康義誠迎皆迎降

唐主從厚以五十騎出奔至衛州遇石敬瑭
敬瑭盡殺唐主從騎

唐孟漢瓊諸李從珂降從珂誅之

唐興元武兩鎮降蜀

唐李從珂入洛陽宰相馮道等上牋勸進從
珂篡位廢唐主從厚而執之石州刺史宋令
詢死之

唐族誅康義誠

胡寅曰誤罔帝者朱弘昭馮贇孟漢瓊康
義誠為甚潞王行此雖不足以贖奪國執
君之罪亦足少懲其賊快於人心方諸符
堅之不殺慕容評隋文之不殺江總太宗
之不殺封倫宇文士及使小人洋洋然得

志自謂與適不容者豈不賢哉

唐李從珂蜀府庫賜將士

唐復以石敬瑭為河東節度使

蜀孟知祥死子昶嗣

和 ○唐僖宗二年南漢大有八年 吳天

閩李傲弒其主璘而立福王繼鵬更名昶

唐夏州節度使李彝超卒

徐知誥自加大元師齊王

申丙 ○唐僖宗三年 晉主石敬瑭天福元年 蜀

南漢大有九年 周王昶通文元年 蜀

明德三年

唐以石敬瑭為天平節度使敬瑭拒命唐發兵討之

石敬瑭求救於契丹請奉以父禮契丹德光

自將兵救之唐兵大敗

唐以趙德鈞為行營都

契丹冊石敬瑭為皇帝國稱晉敬瑭割幽薊

十六州以賂之

皇帝者天子之稱所謂德兼三皇功過五

帝者也必上應天章下順人心然後足以

當之彼石敬瑭者乃為夷狄所立則是所

以君國子民者不受命於天而受命於腥
羶之醜類也則夫端冕垂旒尊居于殿陛
之間以受天下臣民之朝不亦可羞可混
也哉且中國之土地二帝三王之所自立
衣冠禮樂之所在也一旦以吾欲求富貴
安榮之故割而棄之以昇夷狄俾奴婢我
子女草芥我性命魚肉我族類吾自為計
則得矣如生靈何遂使山前山後十六州
之地歷宋至元不見天日者四百三十二
年敬瑭之罪大矣幸而天生我

太祖高皇帝出而復之

太宗皇帝遂於是乎建都焉聲明文物一還平

二帝三王之舊嗚呼厥切大哉

契丹以石敬瑭南下破唐兵于圍栢

唐主還河陽趙德鈞降契丹

石敬瑭至河陽唐主從珂自焚死敬瑭入洛

陽是歲唐亡四主

晉以馮道同平章事

酉○
二年

晉天福二年南漢大有十年
羅明德四年南唐徐誥昇元元年
遼光會通元年

春正月朔日有食之

吳徐知誥建齊國于金陵尋更名誥

晉遷都汴州

吳徐知誥篡其主位國稱唐廢其主傳稱讓

皇是歲吳亡四世四十六年

契丹改號遼

高麗併新羅百濟

戊戌晉天福三年南漢天有十一年南唐昇

文三年

蜀王孟昶廣政元年

南唐昇

月朔日有食之

晉上尊號于契丹契亦加石敬瑭號

河次鄆州

晉聽公私自鑄錢尋禁私鑄

唐徐知誥弒其故主

己亥晉天福四年南漢大有十二年南唐昇元三年

三年

唐徐知誥復姓李氏更名昇

晉加劉知遠同平章事

晉廢樞密院

晉加楚王希範天策上將軍

秋七月朔日有食之

國王曦弒其主昶而篡其位稱藩于晉

河決博州

石敬瑭以唐許王從益為郟回公

晉禁造佛寺

唐 ○晉天福五年南漢大有十三年 國永隆二年 蜀廣政三年 南唐昇元四年

楚平群蠻立桐柱於溪州

閩王曦遣兵擊其弟延政于建州敗績

晉罷翰林學士

唐 ○晉天福六年南漢大有十四年 閩永隆三年 蜀廣政四年 南唐昇元五年

閩以王延政為富沙王

唐遣使如晉

晉成德節度使安重榮執契丹使者上表請

伐契丹

晉以劉知遠為北京留守

閩王曦自稱大國皇

晉石敬瑭如鄴都諭安重榮

吳越王錢元瓘卒子弘佐嗣

河決滑州

閩王曦稱帝

晉安從進及于襄州

唐定田稅

唐徵諸郡丁口鹽錢

後世徵戶口食鹽鈔始此

晉安重榮奉共尋瀆死

生 ○晉天福七年南漢主玠光天元年國
永隆四年蜀廣政五年南唐昇元六

漢主龔興製龔字為名尋卒子玠嗣

晉石敬瑭死兄子重貴立

晉高祖書死何不予夷狄之立中國君也

中國之君乃為夷狄所立則是以夷而統
華也吁夷狄為中國君中國之人且不予
之况以夷狄而立中國君後世之人孰肯
從而君之哉堂堂中國之君乃受命於夷
狄君既受命於夷則是奉中國之人皆胡
人之臣妾也書此以戒萬世使後世之人
知借勢於夷狄者雖僥倖得於一時萬世
之下終不之與也或曰晉五季之君得國
皆不相遠而史綱於石晉獨誅之深何譬
則郡邑之中除一守令非受大君之命乃

以蠻夷之令來為民之父母民肯父母之

乎史綱於石敬瑭亦循是也

晉加景延廣同平章事兼侍衛都指揮使

卯癸

○

晉主重貴元年仍稱天福八年南漢主
景乾和元年南唐主璟保大元年

唐主李昇死子璟立

閩富沙王延政稱帝于建州國號殷

漢劉晟弒其主玠而篡其位

夏四月朔日有食之

晉遣使括民穀

晉執契丹使者既而歸之

晉主立其叔母馮氏為后

晉楊光遠反

契丹遣趙延壽入晉境

晉旱水蝗民大饑

辰卯

○

晉天福九年七月以後用運元年南漢
乾和二年南唐主璟保大二年

契丹陷晉貝列

晉主自將禦契丹以景延廣為御營使

契丹渡河晉遣李守貞等分道擊之契丹敗

走

晉定難節度使李彝殷侵契丹以救晉

晉詔劉知遠擊契丹知遠屯兵不進

周朱文進弒其主曦而代之既而為其下所

誅

晉籍鄉兵

晉主還大梁罷景延廣為西京留守

晉遣使分道括率民財

晉以桑維翰為中書令兼樞密使

晉以折從遠為府州團練使

晉復置翰林學士

秋七月晉始改元

晉以劉知遠為行營都統杜威為招討使督

諸道以備契丹

秋九月朔日有食之

晉師圍晉州楊光遠子勗其父以降

契丹大舉入晉

己乙

契丹至相州引還晉主自將追之

○晉用運二年南唐保大三年南漢乾和三年
蜀廣政

晉主至澶州諸將引兵北上

王延政補國

契丹破晉祁州刺史沉斌死之

閩李仁達作亂以僧卓巖明偕號仁遠尋殺

巖明補藩子唐

契丹南下府彥卿等擊之契丹敗走

晉遣使奉表補臣求和於契丹

秋八月朔日有食之

唐兵拔建州閩王延政出降是歲閩亡六

晉罷桑維翰政事

丙

○晉用暹三年南漢乾和四年 蜀廣政

春二月初日有食之

契丹侵晉定州張彥澤敗之

晉遣杜威將兵伐契丹至瀛州與契丹戰不

利而還

契丹大舉入晉杜威等以兵降契丹遣兵入

大梁執晉主韋貴以歸殺桑維翰囚景延廣

丁

○漢主劉知遠元年仍稱晉天福十二年 南唐保

契丹德光入大梁殺張彥澤景延廣自殺

徙

契丹廢晉主石重貴為負義侯徙之黃龍府

是歲晉亡二主十二年

契丹改服中國衣冠以李崧為樞密使馮道考大傳

契丹縱兵大掠遣使括借士民斂帛

晉劉知遠遣使奉表于契丹

唐遣使如契丹

契丹行朝賀禮以趙延壽為中京留守

晉劉知遠稱帝于晉陽更補天福十二年

胡寅曰五代之取國惟後唐與漢為此善

於彼蓋梁篡唐而後唐代之晉為契丹所賊而漢興焉非若李嗣源之逼莊宗石敬瑭之奪潞王郭威之逐漢隱帝也晉受虜擊知遠不救固為罪矣然是時朝權則付之李崧馮玉而顧命大臣如桑維翰不得與兵柄則付之杜威李守貞而勳舊重將如知遠不得用故維翰可以當國責李崧而後世不當以幸禍責知遠也
晉主知遠自將迎故主重貴至壽陽而還
晉故主重貴出塞契丹令命拜阿保機墓

晉主知遠從其夫人李氏言出官中所有以
勞軍
陝晉潞州殺契丹使者奉表詣晉陽
契丹以唐郇公李從益為許王
契丹以張礪和凝同平章事
契丹行入閣禮
胡寅曰衛宣公淫亂逐為秋所滅晉室三
綱絕遂召五胡之亂唐世家法不正又好
酷我狄非獨當其世數困於猾夏流及五
代更七八代其甚則至此而天下之亂極

矣堯舜脩德而建士師三王自治而立司
寇謹華夷之辨禁侵亂之階所以深扶人
理慮末流之若此使斯人與禽獸雜處而
罹其凶害也

契丹以蕭翰為宣武節度使

契丹德光北歸

晉主知遠以其弟崇為太原尹

契丹陷相州屠之

晉以武行德為河陽節度使

契丹耶律德光死于殺胡林

契丹既稱皇帝矣既改國號為遼矣其權
力足以廢置中國人主固非前代匈奴突
厥比也然朱子綱目未嘗書其為皇帝而
止書其為未嘗書其為遼而仍書其為契
丹及其死也以死書之未嘗少假焉大賢
君子所以處境外之戎夷凜凜乎聖人春
秋之大義也後人議元者乃欲以其混一
中國而進之漢唐之間何所見耶且忽必
烈之於德光同一夷種也但得中國地有
廣狹耳徒以其得地廣狹而高下之是以

功利論事也豈春秋意哉春秋謹微於華
夷尤加嚴焉者以是為防後世乃至有執
中國主據中國地為中國君者况又獎而
進之乎綱目之書萬世之法也

契丹趙延壽入恒州自稱權知南朝軍國事
契丹兀欲執趙延壽而自立

晉以劉崇為北都留守

楚王希範卒弟希廣嗣

晉史弘肇克澤州契丹將道

契丹將蕭翰劫唐李從益稱帝于大梁逐北

走徙益避位

契丹兀欲勒兵出塞

吳越王弘佐卒弟弘侗嗣

晉主知遠入洛陽遣使殺李從益

夏六月晉主知遠入大梁始改國號為漢

契丹兀欲幽其祖母于木葉山

秋七月漢始改元

漢以杜重威為歸德節度使重威拒命漢發

兵討之尋出降

恒州將逐契丹將降漢

漢制盜賊毋自贓多少皆死

南漢主晟殺其弟八人

蜀人侵漢

吳越統軍使胡進思廢弘侗而立其弟弘俶

申戌 ○ 漢乾祐元年 南唐保大六年 蜀廣政

漢遣王景崇等經略關中

漢以馮道為太師

漢主更名昶尋卒杜重威伏誅子承祐立

趙思綰據長安城作亂

漢李守貞反

漢以郭威為樞密使

夏六月朔日有食之

漢王景崇叛降于蜀

漢以郭威為西面招慰安撫使

荆南節度使高從誨卒以其子保勣知留後

酉巳

○漢主承祐元年仍稱乾祐二年南唐保大七年

夏四月太白晝見漢民有仰視者史弘肇腰

斬之

趙思綰遣使請降于漢漢以為華列留後尋

殺之

夏六月朔日有食之

漢郭威克河中李守貞自殺

漢樞密使郭威過西京罷留守王守恩以白

文珂代之

歐陽脩曰自古亂亡之國必先壞其法制而後亂隨之五代之際是已文珂守恩皆漢大臣而郭威以一樞密使頓子更置之如更戌卒文珂不敢違守恩不敢拒威既處之不疑而漢廷君臣亦置而不問豈非

綱紀壞亂之極而至於此歟是以善為天下慮者不敢忽於微而常杜其漸也可不戒哉

漢加郭威侍中威請加恩將相藩鎮從之

吳越募民墾田

契丹侵河北漢遣郭威督軍禦之

漢趙暉攻鳳翔王景崇自殺

庚戌

○漢乾祐三年南唐保大八年南漢乾和八年

寫廣政

漢以郭威為鄴都留守樞密使如故

漢以郭榮為貴州刺史

漢郭威赴鄴

夏閏五月漢大風

冬十一月朔日有食之

漢主承祐殺其樞密使楊邠侍衛指揮使史弘肇三司使王章遣使殺郭威威舉兵及漢主承祐被弒于趙村

按通鑑隱帝出勞軍將還宮至玄化門因劉銖射左右回嚮至西北趙村追兵已至帝下馬人民家為亂兵所弒綱目書威舉兵反遂殺其主承祐汪白考異謂書殺為

誤尹氏發明劉氏書法皆以為書殺不書
弒罪承祐也夫史之作信以傳信疑以傳
疑隱帝之死在郭威未入城之前其死之
時史明言郭允明露刃隨帝後歐陽五代
史於帝紀書曰郭允明反於允明傳云帝
走趙村允明追之弒帝於民舍而自殺及
太后因郭威早立嗣君之請亦下詔云允
明弒逆說者謂太后之詔云然郭威之志
也劉恕亦曰允明帝所謂信何由弒逆蓋
郭威實殺帝事成之後諱之因允明白殺

歸罪耳夫當隱帝入民舍之時在其左右
者皆其平日所親信者也未必有威之黨
謂為威弒不可也然威雖不弒帝而帝所
以倉皇出村落之中而至於野死者誰所
致耶威雖不弒而實得弒之罪矣然比之
造謀加功之獄則有向矣此史綱所以不
敢從綱目之書殺而亦不敢歸以弒逆之
大罪也

漢太后遣太師馮道迎湘陰公贊于徐州

漢郭威誅劉銖

漢郭威將兵擊契丹至澶州擁兵還乃遣兵
拒湘陰公遷於外館威自為並國

綱目書自立而還此書擁兵何按是時威
猶稱監國未稱尊號也至明年正月乃篡

立焉

漢以范質為樞密副使

辛

○

漢劉昞元年仍稱乾祐四年周主郭威

廣順元年南唐保大九年六年遼述律應曆元

春正月漢郭威篡位國稱周

周制刑名非及逆母得誅親族籍家賞

契丹使至大梁

郭威封漢湘陰公贊其父崇立于晉陽

漢主崇遣其子承鈞將兵伐郭威不克

舊史書劉崇為北漢此止稱漢何按劉崇

乃知遠之弟承祐之季父也於劉氏為親

屬非疎遠之比郭威篡漢劉崇即立於晉

陽所以承漢之統也况漢之亡在宋太宗

之太平興國四年其國祚視周為遠矣豈

得以其微弱之故即不予以純漢乎宋人

作通鑑亦循晉人之作三國志以魏承漢

以為晉地爾今既陽教世矣安得尚徇其
舊哉
周郭威以其養子榮為鎮寧節度使
契丹遣使如周周報之
漢遣使如契丹乞師
周克徐州鞏延美死之
周以范質同平章事
契丹遣使如漢用命其主崇更名曼
契丹兀欲為其下所殺述律立
契丹會漢兵伐周

楚馬希崇降唐遷其族于金陵
六年
是歲馬楚亡
六世凡五十

南漢取桂州盡有嶺南地
南漢主昶二年仍補乾祐五年周廣順二
南唐保大十年
南唐保大十年

契丹侵周邊
周主自將討兗州慕容彥超自救
周主如曲阜謁孔子祠拜其墓
周禁邊民毋得入契丹界俘掠

周立訐訟法必自下而上毋得挾私客訴

周制稅牛皮法

河史鄭滑

癸丑

○漢乾祐六年南漢乾和周廣順三年南唐保大十

十一年

蜀廣政十六年

南唐保大十

周以劉言為武平節度使

周罷戶部營田務除租牛課

周主以其養子榮為庠封尹封晉王

周九經刻板成

周築郊社壇作太廟于大梁

唐復置科舉

甲寅

○漢乾祐七年南漢乾和十二年周顯德元年周主榮仍稱

七年

南唐保大十二年

南漢乾和十二年

蜀廣政十

春正月丙子周祀圜丘改元顯德

周以晉王榮判內外兵馬事

周主疾篤詔晉王榮聽政

周以王溥同平章事

壬辰周主感死養子榮立

漢主以契丹兵擊周周李筠逆戰敗績

周主榮自將與漢戰于高平漢兵敗績周將

樊愛能何徽等引兵先遁周主誅之

周遣符彥卿督諸將攻漢汾遼等州降

馮道死

周主立故李崇訓妻符氏為后

周主攻晉陽不克還

周加吳越王弘俶天下兵馬都元帥

周以魏仁浦為樞密使

周簡院諸軍募壯士以補宿衛

漢主昶卒子鈞立

卯
○漢主鈞元年仍稱乾祐八年周顯德二年
南漢乾和十三年蜀廣政十八年

南唐保大十三年

周制給漕運斗耗

周詔群臣極言得失

周制舉主連坐法

胡寅曰保任天下之至難也夫中人以上
不萬一焉中人以下滔滔是也迫禍難處
困窮臨勢利怵交黨此改行易守之會也
中人者一出一入焉忌與不忌敢與不敢
相權於中未至甚忍而不敵之心勝怵迫
甚矣不忍而敵之心決此人情之大常物

理之必至也誠知其人今不為是安知他
日偷享不渝況其下者乎故連坐之法似
美而實弊似美故其初激昂實弊故其終
廢格若曰姑嚴考之防爾其人窺之其弊
益甚然則柰何曰人君惟典學明道識拔
真賢以考輔相則有成材之具得人一方
如儲木於山畜魚於淵唯吾所取此非一
日之力也立法保任苟給目前策之下也
春二月朔日有食之
周比部郎中王朴獻用邊策權諫議大夫知

開封府事

周遣王景伐蜀

周廢無額寺三萬餘所禁私度僧尼

周主親錄囚徒於內苑

周括民間銅器佛像鑄錢

周取蜀秦成階等州

周遣李穀督諸軍伐唐

周疏汴渠

周克蜀鳳州擄其節度使使王環都監趙崇
溥死之

宦者死節僅見于此

吳越遣使入貢于周

丙辰

○

十四年

侯乾祐九年

蜀廣政十九年

周顯德三年

南唐保大十

南漢乾和

周主嘉蜀王環不降以為驍衛大將軍

周主自將伐唐大敗唐兵斬其將劉彥貞

周遣趙匡胤襲滁州克之擄其將皇甫暉姚

鳳

唐遣使請和于周周主不答

周遣將襲唐揚州取之

吳越遣兵襲唐常州

唐李璟滅故吳主楊氏之族

唐遣孫晟奉表于唐請正朔

周主欲得唐江北地遣李德明還唐唐主殺

之

唐主以其弟李景達為元帥將兵拒周

周主還大梁

唐遣員外郎朱元將兵復江北諸州并取舒

和蘄州

周以周行逢為武平節度使

帥

周以王朴為樞密副使
周立二稅起徵限麥稅以六月秋稅以十月
周以趙匡胤為定國節度使兼殿前都指揮
使

周殺唐使者司空孫晟

周召華山隱士陳搏詣廟尋遣還山

丁巳
○ 漢天會元年 周顯德四年 南唐保大十年
十五年 蜀廣政二十年

唐遣兵救壽州周師擊破之
周主復入壽州大破唐兵

唐壽州監軍周延構以城降周唐節度使劉
仁贍死之

周主宋父光祿卿致仕柴守禮犯法周主不
問

胡寅曰世宗不知其姓出於柴氏而守禮
又亡則無責矣其父固在乃以元舅處之
果何義也然則宜奈何為郭氏立後封以
大國如周之杞宋得用天子禮樂以不忘
撫愛富貴之恩而後姓曰柴守禮為大
上皇立柴氏宗廟以別生分類正本始以

示天下別其道並行而不相悖矣

周疏汴水入五丈河

周以律命文古教格煩雜命刑官刪為刑統

周以王朴為樞密使

周中書舍人竇儼請令有司討論禮儀考正

鐘律以為政本

周設賢良經學吏理等科

周主自將伐唐攻豫州

戊午

○

漢天會二年 周顯德五年 南漢乾和
政十七年八月 以後劉張大室元年 尋奉周正
朔二十年一月 南漢中興元年 周正

周克唐海州

周鑿鶴水引戰艦入江

周主克唐楚州防禦使彥卿死之

高保融以木軍會周師伐唐

周主臨江遣水軍擊唐兵破之唐主遣使盡

獻江北地周主罷兵引還

周汴渠成江淮舟楫始通

夏五月朔日有食之

唐主更名景去帝號奉周正朔

周主遣使如唐餽之鹽還其俘

弟

唐廢太弟景遂為晉王以其子弘冀為太子

弘冀殺景遂

南漢劉晟卒子張嗣

周主謀伐蜀以高防為西南制置使

周遣使均定境內田租

南漢仕者自言以進

嗚呼人之所甚愛者肢體也昔人謂折其

一肢而身之天下有所不為况絕其世乎

其所以為此者必有所大欲於此矣明主

盡求其故而痛禁絕之哉彼偏據昏庸之

君不足道也

周命竇儼撰通禮正樂

紀

○二年侯天會三年周顯德六年

南漢大宝

周命王朴作律準定大樂

周導汴水入蔡水

周淮南饑命以米貸民不責其償

胡寅曰世宗視民猶子救其乏而不責必

償仁人之心王者之政也五代十二君愛

民者三人而世宗為最蓋自唐宣宗而後

政不及民而置諸湯火之中者將百年而

後世宗有君人之德行不忍人之政宜其
赫然興起南面指揮而四海賓服也

周樞密使王朴卒

周主自將伐契丹取瀛莫易置雄霸州遂趣
幽州有疾乃還

河決原武周塞之

唐遣其子入貢于周周主令其脩守備

周主立其子宗訓為梁王

周以魏仁浦同平章事趙匡胤為殿前都點
檢

周主宋昶子宗訓立

周趙匡胤領歸德軍節度使

唐鑄當十當二錢

南漢以宦者龔澄樞為內大師

唐以洪州為南都

契丹遣使如唐周人殺之

世史正綱卷二十二

辛集

世史正綱卷二十三

○宋世史

姓趙氏

太祖皇帝諱匡胤

甲庚

宋

漢劉鈞天會四年

周主宗訓元年

南唐李景中興

政三年南漢劉鋹大室三年

政三年

政二十三年

劉鋹大室三年

南唐李景中興

政三年

劉鋹大室三年

春正月癸卯兩日重出周殿前都點檢趙匡胤

胤帥師禦契丹次于陳橋甲辰諸將擁匡胤

還朝上已逼幼主宗訓禪以位國號宋廢宗

訓為鄭王周侍衛副都指揮使韓通死之歲

周亡二

主十年

辛集

史謂宋太祖得國與晉漢周無甚相絕
綱目者亦分書其年而史綱於稱帝之初
即以宋書何世至五季大亂極矣武夫悍
卒強胡養兒兵強馬壯乘機構隙即為天
子始終五十二年之向歷五朝易八姓此
何等時邪禮教之陵夷生靈之塗炭自秦
漢以來所未有也幸而有若宋太祖者出
焉雖其得國不若漢唐之正然視丕熒堅
逼之輩必心積慮以劫持攘奪者則固有
間矣春秋以義正名急於進人以善據事

義

直書其功罪各有不相掩者論世者固當
為萬世之綱常計亦不可不為一世之生
民計也故史綱於太祖之立上書兩曰重
出下書諸將擁遠以見亂極當治而天意
人心於是有所在然不免書以逼之之辭則
其罪亦有不可掩者矣然書逼而加以以
之一辭則分其罪於諸將其與魏晉之初
丕熒逼禪之書亦異矣然則逼之之書有
所本欤曰有孟子曰吾堯之宮逼堯之子

宋贈周韓通為中書令

君臣之義天理民彝之止根於天命人心之本然不容泯滅雖或時蔽於物欲之私而其本然之明者固昭昭如也太祖委質事周君臣之分素定一旦據其位而有之其心固有所不安也韓通因變亟歸將帥毋禦之使其謀果遂得真太祖於何地耶則通乃太祖之深仇也而太祖改元肆赦之後未遑他務即贈通為中書令於此可見天理民彝之在人心者不可泯也

宋論翊戴功加右守信等官爵

宋立四親廟追帝其祖考

宋遣使賑貸諸州

宋主視學

宋主尊其母杜氏為太后

宋以周故相范質王溥魏仁浦同平章事吳廷祚為樞密使始廢宰臣坐論札

宋始賜進士第

唐吳越遣使如宋

周昭義節度使李筠會漢伐宋

夏五月朔日有食之

宋主克昭義周節度使李筠死之

宋以大梁為東京洛陽為西京

宋立后王氏

宋以趙普為樞密副使

宋定天下縣為五等

用淮南節度使李重進舉兵宋主自將兵克

之重進自焚死

醉

宋

漢天會五年

南漢大寶四年

宋建隆二年

南唐中興

寫廣政二十四

年

占城國遣使朝宋

宋度民田

宋詔課民種植

唐徙都洪州

夏四月朔日有食之

宋南河縣令李瑤坐贓杖死

宋太后杜氏疾革召趙普入受遺命遂殂

宋罷石守信等典禁兵

宋主以其弟克美為開封尹克美為興元尹

唐主景卒子煜立

女真入貢于宋

宋制官者給事掖庭母過五十人

壬戌年 漢天會六年 宋建隆三年 南唐李煜 宋廣政二十五年

春正月癸未宋主視太學二月丙辰復視

宋廣京城

宋初定百官輪對制

宋令諸州不得專決死罪

宋禁民火葬

定雜節度使李彝興入貢于宋

宋以趙普為樞密使

宋趙匡胤遷其故主宗訓于房州

癸亥 漢天會七年 宋建隆四年十一月以後 宋 乾德元年 南漢大宝六年 蜀廣政二十六年

宋初以文臣知州事

宋初置諸州通判

宋初以常參官知縣事

知州通判知縣之名始見此三者皆以革藩鎮之弊也

宋禁民鬻產男

荆南高继冲降宋 是歲高氏降五世五十七年

宋平湖南

宋主殺殿前都虞候張瓊

宋主以舊憾黜鄭起楊徽之

冬十一月癸亥宋主享太廟甲子合祭天地

于南郊大赦

宋詔州縣徵科置簿籍

子甲

宋

漢天會八年 宋乾德二年

南漢大宝

宋以趙普同平章事

宋初置參知政事以薛居正呂餘慶為之

宋主以其子德昭為貴州防禦使

宋頒刑統

宋置權貨務

宋范質卒

宋遣王全斌等伐蜀

宋兵克蜀夔州寧江制置使高彦俦死之

宋定雅樂

丑

宋

漢天會九年 宋乾德三年 南漢大宝

蜀主孟昶降宋以為秦國公 是歲後蜀亡二

宋初置諸道轉運使

宋選諸道兵入補禁衛

宋始令婦為舅姑服三年

丙寅

宋

宋乾德四年

南漢大寶

南漢大寶

宋末遺書

韃靼入貢于宋

此蒙古通中國之始

丁卯

宋

宋乾德五年

南漢大

南漢大

宋征蜀將王全斌等有罪徵還貶官以曹彬

為宣徽南院使

宋以阮弼為樞密副使

奎

春三月五星聚于奎

前三代夏商周也而周之文大備至其末世也六經以成後三代漢唐宋也而宋之文大著至其末世也六經以明斯文起廢於世道之真衰人文將著於下天文預兆於是是豈偶然之變故哉

夏六月朔日有食之

秋八月河溢入衛州

定難節度使李彝興卒子克殷代領其眾

戊辰

宋

南漢大寶十一年

南漢大寶十一年

宋王立宋氏為右

漢主劉鈞卒養子繼恩立

宋遣兵擊漢契丹救之

漢郭無為執其主繼恩立弟繼元

漢劉繼元執其母郭氏

宋判大理寺雷德驥以言趙普貶官

己巳 宋廣運二年 宋開寶二年 南漢大寶

宋治制州郡盛暑恤獄

契丹述律為其下所殺明宸立

宋王自將擊漢

宋罷王彥超等節度使

庚午 宋廣運三年 宋開寶三年 南漢大寶

夏四月朔日有食之

宋賜屢試不第舉人出身

特奏名科始此

宋除河北鹽禁

宋立報水旱期式

宋省州縣官增其俸

宋詔借前代帝王陵盜發者

宋遣潘美等伐南漢

耕宋 漢廣運四年 宋用室四年

宋克廣別南漢主張降 是歲南漢亡五世六十七年

宋初置市舶司于廣州

冬十月朔日有食之

唐貶國號曰江南

河決諸別大水

申壬宋 漢廣運五年 宋用室五年

宋始放進士榜

夏五月河決霖雨宋主出宮人

秋九月朔日有食之

宋禁玄象天文圖識

宋始禁道士不得蓄妻孥

前此道士皆有妻室至是始与僧同禁

酉癸宋 漢廣運六年 宋用室六年

周故主郭崇訓卒于宋

宋初親御殿試貢士

宋禁銅錢不得出化外

宋封交州下隲為交趾郡王

此交人封王之始

宋主封其弟光義為晉王

卯宋 漢廣運七年 宋開寶七年

春二月朔日有食之

宋遣曹彬伐江南

宋始脩日曆

卯宋 漢廣運八年 宋開寶八年

昇丹遣使來通好宋遣使報之

夏六月彗星見東方

秋七月朔日有食之

宋得曹彬克江南江南主李煜降其門下侍

即陳喬死之 是周南唐亡三

丙宋 漢廣運九年 宋開寶九年十二月太宗

宋以曹彬為樞密使

吳越王俶朝宋

宋主以子德芳為貴州團練使

夏四月宋主有事于南郊大赦

冬十月癸丑夕宋主殂于萬歲殿 在位十七年

嗚呼太祖太宗臨崩嗣位之際此千載不

決之疑執筆者輕信傳聞之言而不加考

覈之實可乎傳曰信以傳信疑以傳疑因

其信而信之因其疑而疑之可也按宋史

元政陽玄太祖記云開寶九年冬十月癸
寺所脩者太祖記云開寶九年冬十月癸
丑夕帝崩于萬歲殿殯于殿西階太宗紀
云開寶九年冬十月癸丑太祖崩帝遜即
皇帝位王繼恩傳云繼恩奉太祖持承恩
顧及太祖崩太宗在南府繼恩中夜馳詣
在郎請太宗入程德玄傳云太祖大漸之
夕德玄聞夜有扣扉疾呼赴宮郎者德玄
遽起赴府久之見王繼恩馳至補遺詔迎
太宗即位馬韶傳云九年冬十月十九日
既夕韶造程德玄德玄詰其所以來韶曰

明日乃晉王利見之辰詰且太宗入謁果
受遺踐祚此宋史所載可信者也胡一桂
史纂通要云太宗善政史不絕書所可惜
者太祖臨崩但遙見燭影搖紅及聞大聲
訝好為之之言不能不起萬世之疑陳桎
通鑑續編云冬十月宋主有疾壬子召其
弟晉王光義入侍是夕宋主殂甲寅光義
立註載壬子召晉王入寢殿屬以後事
宦官宮婢皆不得迎但遙見燭影下晉王
離席若有避避之狀既而宋主引柱斧戳

地大聲曰好為之俄而宋主殂宋后見晉
王遠呼曰吾母子之命皆託于王王曰共
保富貴與憂也此二書所載可疑者也愚
嘗因其信疑之故而考核之則宋史的為
可信也何也元人去宋未遠且史成於衆
人之手使太宗誠有此事當時秉筆諸人
豈與一人一言及此而畧不少見焉其散
見於各傳者不約而同皆云太祖既崩太
宗始入並與所謂斧声燭影之事屬以後
事之言信以傳信斷以宋史其可信無疑

矣胡陳二子生草澤之中考究不精見聞
不廣輕信傳聞之言質以一己之私見烏
足信哉原其所以為此說者其原蓋出於
李燾之長編意在當時必有傳說疑似之
言有不得其真者故燾為長編痛欲表白
之謂正史實錄於顧命大事皆不能記故
深考之惜不得已而采錄雜說刪潤其文
以補史氏之闕云耳故既節國史符瑞志
僧堂湘山野錄語於太祖未崩之前
宣統九年冬十月有神降于盤屋縣民張守
真家自言我天之尊神號黑煞將軍玉帝

白字下向

之帥也神降守真家所
隆觀設真至守真降子
成王鎖用據其言即夜
苑右皆不聞其但遙見
大席若晉避日避之既
吳僧文謂王避日避之
之錄司馬公諫水紀
以長編云癸丑上崩
繼恩封府國晉王見程
王恩則德玄王見程
且故召未繼恩則德玄
王疾且故召未繼恩則
王疾且故召未繼恩則

來

絕

入久不出繼恩促之曰
矣時大雪遂與王於中
王止其直序曰便應直
言進之德玄曰後笑後
俱恩至晉王至笑後見
日恩母曰子之至笑後
貴無憂矣子之至笑後
又云甲寅太宗即位
之東帝號勸治紀上
白二帝授受之明以解
也胡陳二子作為私史
詳刪節欠精立言無法
其死之疑太宗有賊害
豈小事而可輕忽如此
哉設使太宗誠有

此事其罪固不容誅矣萬一與之豈不負
千古之冤哉抑罪及坐韓子所謂人禍天
刑必有所歸矣且符瑞志及野錄所載者
皆以神異人之異蹟而非國正史也
云祖宗潛躍曰嘗與三一遊士每劇定姓
自曰混比又躍曰真無異向時或一劇隨
喜歌引其唯祖受禪宗之日乃庚申虎初
得真位極幸再禪之見下詔草澤訪用日
也自御極幸再禪之見下詔草澤訪用日
乙亥上祖曰駕幸西苑生醉坐干洋遣中
矣揮太祖曰制來喜安我大欲見此置十
密引至後還得步上謂之曰但今欲見此置
事我壽則延見宿干木未鳥巢中或教
之日後苑苑史成見宿干木未鳥巢中或教

日情不見上嘗切切記其語至所期之夕御
太情俄而以陰霧四起天地陡變雪電驟降
方仗下而急傳宮籥召用封甲而太宗降
移及大寢酌酒對飲或避官垂席而太宗
遙見燭影下太宗殿好雪已教逐解帶引
狀飲訖禁偏三殿好雪已教逐解帶引
柱斧斲息如雷是夕太宗宿禁內將受遺
寢鼻息寂無所聞太宗宿禁內將受遺
侍序者寂無所聞太宗宿禁內將受遺
詔于樞前無所聞太宗宿禁內將受遺
如生知命有如此者其言固無足信然
達生知命有如此者其言固無足信然
其中所言帝引群臣環玉宸以瞻聖體玉
色望然如出湯沐似亦知當時人有此傳
聞之疑也惟凍水紀聞乃溫公所述溫公

平生無妄語其筆之於書必不妄也溫公亦以考太祖既崩而後太宗入則無此事也明矣其子德芳及宋右託命之言史雖不載然觀其後太宗不成宋右喪及二王不得其死容或有之亦未可知此於太宗此諸執逆其罪為小不必深辨然溫公而著此說似亦知當時人有此傳聞之疑也雖然胡陳二子固非矣而李燾之書此亦豈得為是哉夫志與錄二也所載之事與其人不同也燾乃強合之以為一又改截

雪為戳地改好做為好為之又加以大聲屬以後事之語何所據哉嗚呼有此事乎無此事乎果一事乎果二事乎史者實錄也不核其實而輕信人言可乎由是觀之啓後世之疑者胡陳二子也啓二子之疑者燾也况燾明言此據吳僧文瑩所謂湘山野錄者正史實錄並無之噫正史實錄皆無彼一僧之微居湘山之遠且生後此母慮百餘年何從而得此言乎惟歐陽玄等所借宋史於太祖本紀書癸丑父帝崩

加以夕之一言於癸丑之下則凡所疑壬子夜之事皆不待弁矣秉筆者似亦知世俗有此傳疑故於諸帝之崩皆未有書夕者而此獨書其微意亦可見矣

王
宋主晉國先義立是書太宗
宋主遷宋右于西宮
宋主以弟廷美為用封尹封齊王兄子德昭封武功郡王德芳為興元尹
宋以盧多遜同平章事楚昭輔為樞密使十二月改元

宋詔群臣論列者即時引對
宋初詔諸道轉運使糾察官吏

丁丑
宋太宗皇帝初名匡彛改先義即位更名昊
漢廣運十年 宋太平興國二年

宋主更名昊
宋賜江州白鹿洞九經
夏四月宋葬太祖于永昌陵
宋罷節鎮領支郡

戊寅
冬十一月朔日有食之既
宋大平興國三年

陳洪進獻漳泉二列于宋

吳越王錢俶以其地歸宋

定難節度使李克獻卒子繼筠代領其眾

宋以孔宜襲封文宣公

宋制職吏有赦不叙令

冬十一月宋主合祀天地于園丘

卯巳

太宗皇帝太平興國四年

初以石熙載簽書樞密院事

簽書之名始此

帝自將伐侯契丹遣兵救之

漢主繼元降宋漢亡是歲漢亡前二主四年後四主二十八年共三十二年

所謂五季者梁唐漢晉周是也史綱於梁

唐晉周之亡皆不書而獨書漢亡者著漢

之亡不在於郭威之代周而在繼元之降

宋也其諸異乎歐陽氏五代史所書漢亡者歟况自唐末以來乘時僭竊者至是始殄滅無餘譬則氛祲陰霾一旦廓清始見天日是亦治亂之一大機也

漢劉純文奔契丹

帝遂伐契丹与契丹将战于高粱河败績乃

還

皇子武功郡王德昭自殺

定難留後李繼筠卒弟繼捧代領其衆

以楊業為代州刺史

進封齊王廷美為秦王

庚辰

太平興國五年

定免役法

交州亂命將討之

契丹寇瓦橋關帝自將禦之

己辛

太平興國六年

皇子興元尹德芳卒

秋九月朔日有食之

以趙普為司徒兼侍中

壬午

太平興國七年

詔詳定士庶車服喪葬制度

始以候陟王明同判三司

判三司為始此

春三月朔日有食之

罷秦王廷美為西京留守

趙普白盧多遜交通秦王廷美王溥奏其罪
勤廷美就罪尋貶涪陵縣公安置房別
李繼捧入朝獻銀笈悔宥四州其弟繼遷叛
走尋以繼捧為彰德節度使
契丹耶律明震死子隆緒立
冬十二月初日有食之
諸州置農師

癸未 太平興國八年

春二月初日有食之
始分進士為三甲

進士分甲次始此

河決滑州東南流入于淮

契丹獲補本號

秋七月大水

以宋琪李昉同平章事

甲申 太平興國九年十一月以後雍熙元年

建號於年之上宜於歲前豫頒布天下

侯遠邇咸知之至于歲首即用以冠年必

侯遠迹如一而不至於前後互異所以一

統紀防偽妄也歲至於十一月僅一閱月

而歲終矣顧乃追而改之凡諸内外上下
薄籍文移舉皆更革之不亦錯紊乎
求遺書

涪陵公廷美以憂卒

華山隱士陳搏入朝

立妃李氏為皇后

賜京師大酺三日

酉 宋 雍熙二年

禁增置寺觀

銀鑄夏州蕃內附

廢子楚王元佐為庶人
冬十二月初日有食之

江水冰

戌 西 宋 雍熙三年

遣將伐契丹取涿蔚等州與契丹戰于歧溝
敗績

楊業與契丹戰死契丹復陷雲朔等城

夏六月初日有食之

契丹大舉入寇

張齊賢敗契丹于代州

丁未 雍熙四年

遣使募兵于諸州

出李繼捧為崇信軍節度使

戊午 端拱元年

春正月親耕籍田

以呂蒙正同平章事

改補廟拾遺寺司諫正言

作秘閣

賜李繼捧姓名趙保忠遣歸為定難節度使

俸臣侯莫陳利用有罪賜死

己丑 端拱二年

鄧王錢俶卒

契丹陷易州遷其民于燕

以國子監為國子學

秋七月彗出東井

庚寅 淳化元年

都巡檢使尹繼倫大敗契丹于徐州

詔歲貸江州義民陳兢粟

辛卯 淳化二年

詔致仕官給半俸

春旱蝗

丙二月朔日有食之

置諸路提刑官

李繼遷降賜姓名趙保吉

置審刑院

以李昉張齊賢同平章事

趙保忠叛降契丹

女真請伐契丹不許自是不復入貢

壬辰 淳化三年

春二月朔日有食之

趙晉卒

己亥 淳化四年

春二月朔日有食之

置審官院

封黎桓為交趾郡王

青神民王小波作亂既而死其黨李順寇掠

州縣

以何承矩為河北屯田制置使

秋八月朔日有食之

復以呂蒙正同平章事

年甲 淳化五年

孝順陷成都遣宦者王繼恩討之

趙保吉反寇灵州

李繼隆執趙保忠送京師

王繼恩復成都李順伏誅

立宣政使以授宦者王繼恩

以張詠知益州

以子襄王元侃為開封尹進封壽王

以寇準參知政事

冬十二月朔日有食之

未乙 至道元年

蜀盜平

以呂端同平章事

崩 宋皇后宋氏崩不成服因貶翰林學士王

禹偁知滁州

立子元侃為皇太子更名恒

申丙 至道二年

以太祖孫惟吉為開州觀察使

遣將討李繼遷敗之于烏白池

秦晉諸州地日九十二震

大有年

丁未至道三年

分天下州軍為十五路各置轉運使

京東京西河北河東陝西江東江西浙東

浙西淮南荆湖福建劔南東劔南西廣南

凡十五路各置轉運使

春三月癸巳帝崩于萬歲殿在位二十二年

皇太子恒即位是真宗

尊皇后為皇太后

李昌齡有罪貶行軍司馬

立郭氏為皇后

追復涪王廷美為秦王復封兄元佐為楚王

以曹彬為樞密使

冬十月葬永熙陵

追尊生母賢妃李氏為皇太后

李继遷請降復賜姓名趙保吉

世史正綱卷二十三

辛集

世史正綱卷二十四

辛集

○宋世史

真宗皇帝

諱恒 太宗子

戊戌 真宗皇帝咸平元年

春正月彗星見詔求直言

用三司判官王欽若言除連員

及五月朔日有食之

冬十月朔日有食之

以張齊賢李沆同平章事

己巳 咸平二年

詔群臣迎養父母

春閏三月旱未直言

視曹彬疾

樞密使兼侍中魯公曹彬卒帝臨其喪

初除外任官職田

如置講讀學士

此侍讀學士侍講學士之始

詔儒臣校定諸經義疏

秋九月朔日有食之

契丹入寇康保裔死之

帝自將禦契丹

庚子 咸平三年

范廷召敗契丹

益州盜起陷漢州尋平之

春三月朔日有食之

太子太保呂端卒

辛丑 咸平四年

以呂蒙正向敏中同平章事

汰冗吏十九萬五千八百人

頒九經于學校

趙保吉復叛
鞏丹入寇都部署王頭敗之

士

鞏咸平五年

趙保吉復反陷吳州知州事裴濟死之

秋七月朔日有食之

卯癸

鞏咸平六年

復以張詠知益州

以西涼首領潘羅支為吳州西面都巡檢

冬十一月有星孛于井鬼

辰甲

鞏景德元年

春正月京師地震

李繼遷取西涼府潘羅支會蕃部擊敗之繼

遷走死子德明領其衆

皇太后李氏崩

尚書右僕射同平章事李沆卒帝臨其喪

以畢士安寇同平章事

鞏丹大舉入寇尋議和遣曹利用報之

始置用藏先朝文籍設待制學士

自是每帝崩後皆置園以藏御書此其始

鞏丹進寇澶州寇準請帝親征

閻恐
誤字

準

契丹將蕭撻覽中流矢死

冬十二月朔日有食之

帝渡河次澶州与契丹盟各解兵歸

帝至自澶州

己巳 景德二年

春正月以契丹和大赦

置国信司

始与契丹歲幣

此宋人納幣夷狄之始夫謂之和者兩相
交好之謂也今契丹圍城遣使與之議歲

幣用銀絹各三十万定議而歸是則所謂

和者以幣易之也自是歲：送至境上交

納以爲常嗚呼國家取民賦稅以養兵將

以禦寇也今既養兵矣而又責民貨財以

賂寇又烏用養兵爲哉

秋八月有星孛于紫微

以白敏中知延州陞畧西邊

同平章事畢士安卒贈白金五千兩

契丹使來

丙午 景德三年

白

錄唐張九齡九世孫元吉為韶州文學

王欽若譖寇準罷知陝州

以宋列為應天府

以王旦同平章事

置常平倉始令三年以上不糶回充糧廩

交州黎桓死其子龍廷殺其兄龍鉞尋封龍

廷為交趾郡王賜名至忠

趙德明降以考定難節度使

丁未 景德四年

皇后郭氏崩

夏五月朔日有食之

戊申 大中祥符元年

春正月帝與王欽若謀作天書置干承天門

大赦改元

王欽若進泰山天書帝受之群臣上尊號

史臣曰真宗澶淵既盟封禪事作祥瑞沓

臻天書屢降導迎奠安一國君臣如病狂

然吁可怪也他日脩遼史見契丹故俗而

後推求宋史之微言焉宋自太宗幽州之

敗惡言興矣契丹其建稱天其右稱地一

主

按 歲祭天不知其幾獮而年接毛鳳鴉自投地皆稱為天賜祭告而誇耀之意者宋之諸臣罔知契丹之習又見其君有厭兵之意遂進神道設教之言欲假是以動狃人之聽因疲殘足以潛銷其窺覷之志欬然不思脩本以制敵又效尤為計亦未笑作玉清昭應官貯天書
冬十月帝封泰山禪社首大赦
帝過曲阜謁孔子廟加謚曰玄聖追封從祀者以公侯伯爵

詔禁銷金

己酉

大中祥符二年

詔禁誘人子弟折家產奉息錢壞墳域

用方士言立聖祖祀之尋加號司命天尊

春三月朔日有食之

夏四月昇州大火陝西旱蝗

下詔上封禪禪瑞圖

庚戌

大中祥符三年

交州將李公蘊較黎至忠封公蘊交趾郡王

頒契真先聖儀拜祭器圖于天下

并 王

高麗康肇弑王誦而立其兄詢契丹伐高麗
誅康肇

誅内侍江守恩

庚辛

大中祥符四年

春二月帝祭后土于汾陰

加五嶽神以帝號

詔文武官言刑政得失边防機事者許賜對

壬子

大中祥符五年

復以向敏中同平章事

以占城稻種給于民

此中國有早禾之始

秋八月朔日有食之

以犯聖祖諱改孔子謚為至聖

德

妃劉氏立為皇后

丑癸

大中祥符六年

禁内臣出使于預公事

除農器稅

冬十二月朔日有食之

寅甲

大中祥符七年

亳

帝如亳州祠老子

以應天府為南京
以寇準為樞密使

上昊天上帝號曰玉皇大帝

卯己 大中祥符八年

夏六月朔日有食之

始賜信州道士張正隨號真靜先生

漢張道陵之後世守其法前此未有賜以

號也賜以號始於是是後凡嗣世者皆賜

以先生號然無階品至胡元乃封為真人

始以銀印視三品始有階品矣

辰丙 大中祥符九年

以旱蝗蠹諸宮建

巳丁 天禧元年

以王欽若同平章事

王清昭應宮使王且卒

論說別非時災沴不以凶者論罪

午戊 天禧二年

夏六月彗出北斗魁

立子禎為皇太子

未己 天禧三年

春三月朔日有食之

寇準言天書降于乾佑山以準同平章事

冬十一月己巳帝謁景灵宮庚午享大廟辛

未祀天地于圜丘大赦

自是每三歲行禮必三處曰舉為永制

以下謂為樞密使

申庚 天禧四年

夏四月有兩月並見于西南

寇準罷為太子太傅

以李迪下謂為平章事馮拯為樞密使

內侍周懷政自帝有疾謀欲帝傳位太子事

泄伏誅出寇準知相列再貶道州司馬

李迪下謂罷謂後以計留學士劉筠不草制

詔皇太子參議朝政

以馮拯同平章事

酉辛 天禧五年

秋七月朔日有食之

吐蕃唃廝囉來降

初以宦者劉崇超監三館秘閣圖書

戊壬 乾興元年

春二月戊午帝崩于延慶殿在位二十六年

皇太子禩即位是為仁宗

尊皇太后為皇太后權處分軍國事

丁謂誣寇準李迪為朋黨貶準雷州司戶參

軍迪衡州團練副使

內侍雷允恭以擅移陵寢伏誅丁謂免

秋七月朔日有食之幾盡

以王曾同平章事

貶丁謂崖州司戶參軍

帝與皇太后月御殿聽政

葬永定陵

始給諸州學田

始用經筵

仁宗皇帝諱禎真宗子

癸亥 仁宗皇帝天聖元年

以王欽若同平章事

寇準卒

初置益州交子務

此交會之始按周禮小冝聽稱責以傳別持民間私相稱貸以為符驗公家未嘗為

之漢皮幣惟王侯朝饗用以薦璧民間未
用唐憲宗始為飛錢之法委錢京師以輕
裝趨四方合券取之以通商賈之厚簡者
其法執券以取錢而非即以券為錢也宋
真宗時張詠鎮蜀患鉄錢重不便貿易設
質劑之法一交一借以三年為一畧而換
之富民十六戶主之後富民衰不能償所
負爭訟不息轉運使薛田請官為置務至
是蜀守臣寇瑛置益州交子務以權其出
入始屬之官而百禁厚自是以後始以楮

代銅交子代錢限年以考畧而交易之

子甲 宋 天聖二年

帝視國子監

立皇右郭氏

冬十一月有事于南郊

丑 宋 天聖三年

王欽若死

以張知白同平章事張昞為樞密使

寅 宋 天聖四年

夏六月京師大水

詔舉內外官通經術者

冬十月朔日有食之

卯丁 天聖五年

春正月朔帝率群臣朝太后

天無二日民無二王人君之於母后以子

道事之可也而以臣道事之則不可伸也

家

禮於家子為之服三年以其主宗祀也豈

有踐祖宗之位者萬乘之主卒臣下北面

辰戌 天聖六年

朝其母於外朝之禮哉

春三月朔日有食之

以張士遜曰平章事

己巳 天聖七年

參知政事魯宗道卒

以呂夷簡曰平章事

復制奉諸科

秋七月大雷雨王情昭應宮災

八月朔日有食之

初閣校理范仲淹以言事出通判河中

庚 天聖八年

閣

後解鹽通商法

辛未 天聖九年

出內帑市糧

幫丹隆緒孔子宗真立

壬申 天聖十年十一月以後明道元年

後以張士遜同平章事

宸妃李氏卒同平章事呂夷簡讀成禮

秋八月宮中火

封趙德明為夏王德明尋卒以其子元昊為

西平王

癸酉 明道二年

春二月彗星見于東北

太后服天子袞冕享太廟

三月太后劉氏崩尊楊太妃為皇太后

帝始親政罷呂夷簡等

召遠言事出外仕者范仲淹等

以李迪同平章事

追尊生母宸妃李氏為皇太后

夏六月朔日有食之

秋七月旱蝗詔求直言

後以呂夷簡同平章事

贈寇準中書令

廢皇后郭氏黜御史中丞孔道輔右司諫范

仲淹

後置諸路提點刑獄

卿家景祐元年

始置說書

以王曙同平章事

趙元昊反

秋八月有星孛于張翼

立曹氏為皇后

乙亥家景祐二年

元 育從弟死讓子宗實于宮中

以王曾同平章事

詔天下未達鐘律者

始作睦親宅

故右郭氏暴卒竄以侍闈文應于嶺南

丙子家景祐三年

詔汰冗吏杖其喧訴者配沙門島

詔優給致仕官捧

知府封府范仲淹以言事出知饒州集賢校
理余請館閣校勘尹洙上書救之歐陽脩以
書奏諫官高若訥皆貶官

初置大宗正司

皇太后楊氏崩

丁未 景祐四年

以王隨陳堯佐同平章事

丁謂死

冬十一月地大震

戊寅 景祐五年十一月以後至元年

庚辰 至元三年二月以後康定元年

乙卯 至元二年

制趙元昊賜姓官爵

詔節省浮費

以張士遜章得象同平章事

詔戒百官朋黨

趙元昊僭號于交州

沂公王曾卒

冬十二月京師地震

以夏竦范雍為安撫使經畧交州

青

春正月朔日有食之
李元昊寇延州劉平石元孫戰沒
以內侍王守忠為都鈐轄
命韓琦安撫陝西琦夢范仲淹
張士遜致仕
宋宰相致仕始此
以呂夷簡同平章事
以范仲淹兼知延州
韓琦遣將攻李元昊白豹城克之
鄜州將神世衡城書洞

禁以金飾佛像

辛巳 宋定二年十一月以後慶曆元年

李元昊寇渭州仁福與戰于好水川敗死貶
韓琦知秦州

范仲淹坐檀吳友人通書貶知耀州

壬午 宋慶曆二年

契丹遣使求用南地
以大名府為北京

豐

以王德用判定州
命宰相兼樞密使

與遣知制誥富弼如契丹增歲幣各契丹平
懷李元昊寇鎮戎軍葛臆斂死元昊逐大探掠

渭州

以韓琦范仲淹龐籍為陝西安撫經畧招討
使

徵處士孫復為國子監直講

未癸
蒙慶曆三年

元昊上書請和

韓

罷呂夷簡為司徒興議軍國大事

以晏殊同平章事兼樞密使

以歐陽脩王素蔡襄余靖為諫官

遣使如夏州

以朝琦范仲淹為樞密副使

石介進慶曆聖德詩

夏五月朔日有食之

以許元為江淮兩浙荆湖制置發運判官

始置武學

此武學之始

詔諫官日赴內朝

以范仲淹參知政事富弼為樞密副使

韓

以朝琦為陝西安撫使

以張昞之等為都轉運按察使

更定磨勘法及廩子法

冬十一月五星皆在東方

十二月河北雨赤雪

甲申

蒙慶曆四年

詔天下列縣立學

詔官禁市物給實直非所願者毋市

歐陽脩進朋黨論

作大學帝躬拜孔子

元昊上誓表

范仲淹請行邊以為陝西河東宣撫使

富弼自請為河北宣撫使

呂夷簡卒

以杜衍曰平章事兼樞密使

契丹伐夏夏人敗之與交深

詔戒文人肆言行怪者

歐陽脩曰人之才行若不固臨事而見則

平

因

守常循理無異衆人乃欲異衆則必為迂僻奇怪以取德行之名

用趙元昊為交國主

乙酉 慶曆五年

以賈昌朝同平章事兼樞密使

罷范仲淹等所建磨勘蔭子法

罷韓琦知揚州

夏四月朔日有食之

以陳執中同平章事兼樞密使

丙戌 慶曆六年

春三月朔日有食之

丁亥 慶曆七年

春二月大旱詔求直言

以夏竦同平章事尋改樞密使

貝州卒王則掘城反

戊子 慶曆八年

以文彥博為河北宣撫使討王則誅之以彥

博同平章事

元昊

夏曩霄死用其子諒祚為夏國主

夏五月无雲而震交誅免

丑巳 蒙 皇祐元年

春正月朔日有食之

二月彗星見

以知青州富弼賑饑加禮部侍郎辭不受

以宋庠同平章事

儂 九月廣源列蠻儂知高反

庚寅 蒙 皇祐二年

賊 命近臣同三司較天下財賦出入之數

秋九月始親享天地于明堂

詔胡瑗定雅樂

卯辛 蒙 皇祐三年

以貴妃兄張堯佐為宣徽南院使

唐介劾文彥博賂宮掖於英州別駕文彥博

免

以龐籍同平章事

辰壬 蒙 皇祐四年

資政殿學士汝南公范仲淹卒

儂知高陷邕等州逐圍廣州

以狄青為荊湖宣撫使討儂智高

以范祥制置解鹽

以胡瑗為國子監直講

已癸
○蒙 皇祐五年

狄青破邕州儂知高走死以狄青為樞密使

陝西轉運使李參始行青苗法於慶州

員
定內侍員以一百八十人為額限年五十無

賊犯者始得為都知押班

以陳執中梁適同平章事

夏及契丹平

冬十月朔日有食之

午卯
○蒙 皇祐六年四月以後至和元年

貴妃張氏卒追冊為溫成皇后

京師大疫

夏四月朔日有食之用牲于社

五月客星出于昴

按史劉義叟曰客星出昴契丹主其死也

明年宗真果死則昴主胡明矣

以劉沆同平章事

未
○蒙 至和二年

改封文宣公為衍聖公

以文彥博富弼同平章事

契丹宗真死子洪基立
申丙 至和三年九月以後嘉祐元年

召唐介知諫院

知諫院范鎮等請建儲

六月大水社稷壇壞

秋七月彗出紫微垣

罷狄青判陳州以韓琦為樞密使

秋八月朔日有食之

以包拯知用封府

丁 嘉祐二年

士

翰林學士歐陽脩變文格

契丹來聘

始詔進士由預殿試者不黜落

詔同歲一舉

戊 嘉祐三年

以韓琦同平章事

秋八月朔日有食之

己 嘉祐四年

春正月朔日有食之仍用牲于社

封周後柴詠為崇義公

汝南王允讓卒追封濮王

召河南處士邵雍不至

庚子 嘉祐五年

王安石上万言書

辛丑 嘉祐六年

夏六月朔日有食之

以司馬光知諫院

以王安石知制誥不拜

以曾公亮同平章事

以歐陽脩參知政事

壬寅 嘉祐七年

立宗實為皇子賜名曙進封鉅鹿郡公

癸卯 嘉祐八年

春三月辛未帝崩于福寧殿在位四十四年壽五十四

鉅鹿公曙即位是考英宗

尊皇后為皇太后

帝有疾請皇太后權同聽政

立皇后高氏

葬永昭陵

英宗皇帝 諱曙 太宗曾孫

甲辰 英宗皇帝治平元年

夏五月帝親政

加韓琦尚書右僕射

內侍任守忠以離間竄斬

刺陝西民為義勇軍

吐蕃本征以河州內附

以宦者為陝西諸路鈐轄

乙丑 治平二年

詔議崇奉所生父漢王典禮

八月京師大水

午丙 治平三年

契丹後號其國曰遼

詔稱漢王為親 諱侍御史呂誨等外任

春三月彗星見西方

秋九月朔日有食之

詔禮部三歲一貢舉

此後世三年一用科之始

冬十一月帝有疾

立子頊為皇太子

未丁 治平四年

日下太上恐
脫太皇三字

春正月丁巳帝崩于福寧殿在位三十五年

皇太子頊即位是為神宗

尊皇太后曰太右皇太后曰皇太后

以韓琦為司空兼侍中

立皇后向氏

始命公主行見舅姑禮

歐陽脩罷

以司馬光為御史中丞

秋八月葬永厚陵

曾公亮薨王安石召為翰林學士罷司空侍

中韓璋

京師地震

詔韓琦經畧陝西

夏詠祚卒子秉常嗣


杜鵑鳴于洛陽

諒

按趙防曰宋治平間邵雍居洛陽聞杜鵑
聲曰洛陽內無杜鵑今始至是天下將亂
地氣自南而北禽鳥氣類得氣之先者也
春秋書鸚鵡來巢氣使之也杜鵑之鳴宋
史不書防謂在宋治平間然治平僅四年

故附書於是年之末

[Faint bleed-through text from the reverse side of the page]



世史正編卷二十四

辛集

入付九

